

تعرف على الله | #خطبة_جمعة | د. حازم شومان

حازم شومان

مسجد الحسين ببورسعيد. انت محبوب ليه؟ وزعلان ليه؟ وشايل هم انك عايز توصل لربنا وده شايل هم انه ما بيخشعش في الصلاة. وده شايل هم اللي نفسه ان انتم تتجوز وده شايل هم ان عنده مرض. وده شايل هم - [00:00:00](#)

انه عايز فلوس وده شايل هم اللي نفسه يشتغل. وده شايل هم ان آآ ان مسلا اخته طلقت وده شايل هم ان هو مش عارف ينجح في المادة اللي مش عارف ينجح فيها. وده شايل هم ان هو نفسه ان الناس تحبه. وده شايل هم ان هو نفسه يتعلم دين او علم شرعي - [00:00:20](#)

يا اخوان. يا اخوانا كل مشاكلكم حلها عند ربنا. ولكن حتى يغيروا مذهب انفسهم. تب لربنا واقبل عليه. اتغير وشف ربنا هيغير لك قد ايه. يا اخواني اللي احنا فيه دلوقتي بقى صورة دين. اللي احنا فيه دلوقتي بقى صورة دين. مش حقيقة دين. مش حقيقي - [00:00:40](#)

ايمان مش حقيقة ايمان. بقى صورة صلاة مش حقيقة صلاة. ده اصول الدعاء مش حقيقي الدعاء قل له قل يا رب يقول لك ما انا باقول يا رب هو يا رب كده سورة دعاء وخلاص يا ابني فين حقيقة الدعاء؟ فين - [00:01:00](#)

الصلاة فين حقيقة الدين؟ فين حقيقة الذكر؟ فين حقيقة العبادة؟ اعبد ربنا عبادة وشف ساعتها لما تقع في قرقم. وتقول حسبي الله ونعم الوكيل. الله اللي نجى ابراهيم بها من النار هيعمل لك ايه. تب لربنا - [00:01:20](#)

اقبل عليه. اتغير وشف ربنا هيغير لك قد ايه. تب لربنا واقبل عليه. تب لربنا واقبل عليه. ان الحمد لله نحمده ونستعينه به ونستهديه ونستغفره نحمده ونستعين به ونستهديه ونستغفره ونعوذ - [00:01:40](#)

لله من شرور انفسنا ومن سيئات اعمالنا. اللهم انا نعوذ بك من شرور انفسنا ومن سيئات اعمالنا انه من يهده الله فلا مضل له. ومن يضل فلن تجد له هاديا - [00:02:00](#)

مرشدا ومن يضل فلن تجد له هاديا مرشدا. يا ايها الذين امنوا اتقوا الله حق تقاته ولا تموتن الا وانتم مسلمون. يا ايها الناس اتقوا ربكم الذي خلقكم من نفس - [00:02:20](#)

في واحدة وخلق منها زوجها وبث منهما رجالا كثيرا ونساء واتقوا الله الذي تساءلون به واتقوا الله الذي تساءلون به والارحام. ان الله كان عليكم رقيبا. يا ايها الذين - [00:02:40](#)

الذين امنوا اتقوا الله وقولوا قولا سديدا. يصلح لكم اعمالكم ويغفر لكم ذنوبكم. ومن الله ورسوله فقد فاز فوزا عظيما. اللهم صل على النبي محمد وعلى ازواجه امهات المؤمنين وعلى ذريتي وال بيت - [00:03:05](#)

انك حميد مجيد. واسأل الله العلي العظيم ان ينزل من بركاته ورحماته على اهل بورسعيد جميعا. اللهم بارك في اهل بورسعيد. اللهم اعزهم بالاسلام واعز الاسلام بهم. اللهم اخرج منهم من ينصرون دينك في الارض. ومن - [00:03:25](#)

ينشرون دينك في الارض ومن يجاهدون لتكون كلمة الله هي العليا. اللهم فرج كرباتهم. اللهم ارحم واشف مرضاهم. اللهم اكشف عنهم الهم والغم يا رب العالمين. اما بعد اخواني واحبابي في الله ففي - [00:03:45](#)

هذا اللقاء يعني تأملت في وجوه يعني عباد الله الذين يجلسون امامي. وجوه الناس وهي قاعدة كده والواحد فكر كده وهو على منبر رسول الله صلى الله وسلم في هذا الصرح المبارك الذي كتب الله له القبول بين الناس وبين الدعاء الى الله. اسأل الله ان يتقبل منا جميعا - [00:04:05](#)

شرط يا اخواني ايه الموضوع اللي الناس كلها محتاجاه؟ فوجدت اكثر موضوع كلنا محتاجين له ان احنا نسمع عن الله، ان احنا نسمع عن الذي خلقنا ان احنا نسمع عن مولانا اخواني واحبابي في الله. الواحد بيمشي في الشارع في اي مكان في مصر الناس كلها حزينه. الناس كلها - [00:04:25](#)

انا ببص في وجوه الناس عايز اشوف واحد ماشي بيضحك. عايز اشوف واحد انا حاسس ان هو منشرح وهو الناس مهمومة. كل بيت من البيوت اصبح في هم من الهموم. يا اما بيت فيه فتاة كبرت وعدت سن الزواج. ربنا يزوج كل كل اماء المسلمين - [00:04:45](#)
يا رب اللهم امين. يا اما فتاة كبرت ولم تتزوج وقلب امها وابوها وهيتفطروا عليها. يا اما مطلقة يا اما مختلعة يا اما البيت ده شاب يعني تخرج ومضت به سنين ولم يعمل حتى الان. وما هوش عارف هيشغل ايه. يا اما البيت ده فيه بنت في اعدادي او سانوي - [00:05:05](#)

مها قلبها هينفطر مين اللي بنتها عاملاه فيها. يا اما البيت ده فيه شاب جامع تمرد على ابوه وابوه يتمنى لو مات هذا الشاب رغم انه يحمل داخله عاطفة الابوة تجاهه. يا اما فيه مريض يا اما فيه فقير يا اما اخواني في الله. هو ايه اللي بيحصل؟ تسأل - [00:05:25](#)
بس قل يا رب يقول لك باقول يا رب. طب يا اخي يا اخي ادع ربنا يقول لك انا بادعي ربنا. يا امة محمد هو ربنا اتغير! هو ربنا اتغير - [00:05:45](#)

الله لم يتغير. الله نفس الله اللي في يوم من الايام نجى ابراهيم من النار. هو نفس الله اللي الان بيسمعني وبيسمعك وبيراني وبيراك. نفس الله يا اخواني. اللي في يوم من الايام نجى يونس من بطن الحوت. هو نفسه - [00:05:55](#)
الله اللي انت بترفع له ايدك الوقتي. هو نفس الله اللي مطلع علينا الوقتي. نفس الله اللي نجى محمد عليه الصلاة والسلام من احلق موقف في تاريخ السيرة كله. حينما كان في الغار وحوصر الغار. زي صدام فالعراق شفتهم منزر لما - [00:06:15](#)
مكان الجنود نازلين يجيبوه من الغار اللي فيه نفس المنزر حدس مع محمد ابن عبدالله عليه الصلاة والسلام. نفس الله اللي نجاها. هو ونفس الله اللي احنا بنعبده دلوقتي. اللي احنا في بيته الوقتي. نفس الله. كلمة حسبي الله ونعم الوكيل. اللي ابراهيم - [00:06:35](#)
نج بها من النار هي الكلمة اللي انا وانت بنقولها دلوقتي. امال ما بنجاش ليه ؟ كلمة لا اله الا انت سبحانك اني كنت من الظالمين الظالمين اللي طلعت يونس من ظلمات فوق ظلمات. هي نفس الكلمة اللي انت ممكن تقولها الوقتي. امال ما بطلعنيش وبطلعك من الظلمات ليه - [00:06:55](#)

يا اخواني ربنا اتغير الله لم يتغير. اومال مين اللي اتغير؟ احنا اللي اتغيرنا. احنا اللي اتغيرنا. قلوبنا اللي اتغيرت يقنا اللي اتغير. ايماننا اللي اتغير. اقول لكم يا اخواني الحقيقة لو انا جبت لكم صورة دلوقتى ملفوفة لسة ما انتوش عارفين فيها ايه - [00:07:15](#)
وقلت لكم امسكوا قلوبكم. كل واحد اوعى تسبب مكانك. خليك شجاع. خليك راجل. لما هافتح السورة اوعى تتفزع. اوعى يجي لك حالة عصبية. اوعى تنهار وتدور تهترع منين وقمت فاتح السورة فجأة لقيتوا صورة اسد. صورة اسد. كله هيبص كده ويقول لك - [00:07:35](#)

ايه ده! هو ده المنزر اللي هيرعبنا! ده صورة اسد! يا جماعة انتم مش شايفين انيا به! انتم مش شايفين المنزر بتاع بوقه! انتم مش شايفين الوحشين يا اللي في عينيه هيقول لك يا عم ده صورة بالله واشرب ميتها. ده صورة اسد. الحاجة اللي هترعب الناس كلها لو قالوا لنا قدام مسجد الحسين - [00:07:55](#)

دلوقتى فيه اسد ساعتها هتعمل ايه ؟ ساعتها اي حد في الناس هيعمل ايه ؟ يبقى مش اللي بيرعب الناس صورة الاسد. اللي بيرعب الناس الاسد صورة عربية بنت للتاتة مليون جنيه هطلعها لك واقول لك اشتريها مني بخمسين قرش هتقول لي ولا تسوى الخمسين قرش. انما حقت العربية هي - [00:08:15](#)

اللي بيدفع فيها الفلوس. يا اخواني اللي احنا فيه دلوقتى بقى صورة دين مش حقيقي دين. بقى صورة ايمان مش حقيقة ايمان. بقى صورة صلاة مش حقيقة صلاة سورة دعاء مش حقيقة دعاء. مش واحد رافع ايده وقلبه منفطر بيتمرغ على اعتاب الملك. ده - [00:08:35](#)

ايد مرفوعة ومنزر لسان بيتحرك. انما حقيقة الدعاء هي اللي بتستنزل الفتوحات من خزائن الله. حقيقة هي اللي بتدق ابواب السماء. وتزلزل وتزلزل ملائكة السماء تضرع الى الله. ان ينجي - [00:09:01](#)

كمن دعا بهذا الدعاء. اخواني في الله القضية الوقتي ان الدين بقى في حياتنا صورة. ما عادش الدين في حياتنا حقيقة. ما عادش الدين في حياتنا حاجة حقيقية المسلم الوقتي تشوفه بيجري على الدنيا غير الوحوش. تقول له يا اخي انت لو مت وانت جعان ده انت عايز تاكل وتشرب. لو مت وانت جعان ها - [00:09:21](#)

بس انسان مؤمن لو مت وانت جعان ربنا هيطعمك من الجنة. لو مت وانت عطشان ربنا يسقيك من الجنة. لو مت وانت مريض ربنا هيعافيك في الجنة ولكن لو مت وانت معكش ايمان. لو مت وانت مش موصول بالله. لو مت وما انتاش عارف من هو الله. يا جماعة من ايام - [00:09:41](#)

كنت في اسبوط عند آآ شريط قطر دندرة. اللي عنده خمسين طفل يعني توفاهم الله امام القطار الحادثة المروعة اللي سمعنا عنها ربنا يعني ينزل الصبر على قلوب اهلهم. فقالوا لي ده المكان اللي القطر خد الاتوبيس اتنين كيلو متر قدامه. فسبحان الله - [00:10:01](#) القطر ده يا جماعة الاتوبيس ده عملوا حوار مع اباء الاطفال فبيسألوا اب لطفل بيقولوا له اخر موقف بينك وبين ابنك ايه ؟ قبل ما ينزل الاتوبيس قال لهم كلمة والله العظيم لو عقلناها نعرف قد ايه احنا ضعفاء. قد ايه - [00:10:21](#)

احنا جهلة. قد ايه احنا محتاجين ربنا. قد ايه احنا محتاجين نرتمي على اعتاب الملك. قال لهم اخر حاجة لطشت ابني بالقلم وقلت له انزل اجري الحق الاتوبيس. وهو مش عارف ان الاتوبيس ده بعد دقائق سيحس في - [00:10:41](#)

في ما ما حدس الانسان جاهل يا جماعة. يا اخوانا نعرف حقيقتنا. نعرف احنا محتاجين ربنا قد ايه. نعرف ربنا. نعرف ربنا يقدر يعز قد ايه ايزل قد ايه النمرود لما تمرد على الله حصل له ايه ؟ ربنا ابتلاه حشر ذبابة دخلت من منخره قعدت تطن - [00:11:01](#)

تعمل طنين في رأسه في الاخر خلع الحزاء بتاعه وقعد يضرب نفسه بالحزاء امام رعيته حتى يتخلص من هذا الطنين الله قادر انه يذل من يشاء وان يعز من يشاء. الله قادر انه يرزق من يشاء. اخوانا السمكة الصغيرة اللي في قاع المحيط عايشة - [00:11:21](#) الحوت ممكن قد المسجد اللي احنا قاعدين فيه ده هو. وممكن اكبر من المسجد اللي احنا فيه كمان مرات ومرات. لسانه تمانية طن فما بالك بالجسد بتاعه! السمكة الصغيرة عايشة وسط دول ازاي! ساعات تلاقي محلات كبيرة وهابير ماركات! وكشك صغير وسطهم! وربنا فاتح عليه - [00:11:41](#)

وسط دول ازاي ؟ يا اخوانا ده الواحد وقع منزر التمساح بيفتح انيابه. والعصفور بياكل رزقه. من بين ان التمساح الله قادر انه يرزق ولا لأ؟ الله قادر. الجنيه اللي في جيبك. ممكن يكون مش رزقك. الله اعلم كل جنيه في جيبك مكتوب عليه اسم صاحبك - [00:12:01](#)

اللي ده رزقه. كل تفاحة طالعة من الارض عليها اسم صاحبها اللي هي رزقه. يا اخواني في الله من هو الله؟ عارفين ربنا ولا لأ وما قدروا الله حق قدره وما قدروا جلال الله حق قدره. احنا ما قدرناش ربنا حق قدره. لما ابتلينا وما وقفناش على باب - [00:12:21](#)

الله! ما قدرناش ربنا حق قدره. لما رفعت ايدك مرة وقلت يا رب ما لفتش الاجابة نزلت. جريت جريت ورا الاسباب ونسيت ربنا وانسيت تعلق القلب بالله. ما قدرناش ربنا حق قدره. لما بقيت لوحك وقعت في معصية سر وجعلت ربنا اهون الناظرين اليك -

[00:12:41](#)

ما قدرناش ربنا حق قدره. لما قلت له تبت يا رب وبعدها رجعت في نفس الزنب اللي تبت منه تاني. ما قدرناش ربنا. حق قدره في كل في صلاة ضيعناها. في كل سجدة استهترنا بها. في كل اذان فجر سمعناه وحطينا المخدة على راسنا ورمنا. ما قدرناش ربنا حقق -

[00:13:01](#)

قدره في كل مرة الله بيأمرنا بقبر وبنكسر امر ربنا. يا جماعة ما قضاناش قدرة ربنا حق قدرها. اخواني في الله في سورة النمل ربنا بيقول قال الذي عنده علم من الكتاب ده مخلوق ده بشر. بس عنده امكانية وقدرة بسبب العلم. انا - [00:13:21](#)

اتيك به قبل ان يرتد اليك ترفض. جاب له في اقل من سانية عرش بلقيس. من اليمن للقدس في اقل من سانية. قلت سبحانك يا رب اذا كانت هذه قدرة مخلوق فكيف بقدرة الله؟ فكيف بقدرة الخالق؟ امال ربنا - [00:13:41](#)

يقدر يعمل ايه؟ مين هيديك اللي ربنا يقدر يديه لك؟ مين هيعمل لك اللي ربنا يقدر يعمل لك؟ مين هيفتح لك اللي ربنا يقدر يفتحه لك مين؟ مين يقول للفرج كن فيكون؟ ويقول اللهم زل فيزول. مين؟ سوى الله. الله لم - [00:14:01](#)

غير. الله لم يتغير. لما سيدنا زكريا بشر بالولد فقال للملائكة انى يكون لي غلام في ال عمران ها انى يكون لي غلام وقد الكبر وامراتي عاقر. قال ها كذلك الله. كذلك الله. هو ده ربنا. هذا هو الله. رب - [00:14:21](#)

بنا كذلك ولن يزال كذلك. ربنا يقدر يعطي. الله اذا اعطى ادهش يا اخوان من الكلمات اللي بتزلزل قلب الواحد في القرآن. لما سيدنا زكريا يقول لمريم يا مريم انى لك هذا؟ نبي ومن كتر عطاء ربنا على امة واقف مدهوش - [00:14:41](#)

كما قال العلماء اذا اعطى ادهش انى لك هذا؟ تخيلوا الجملة دي ما جتش من واحد مش عارف ربنا. ده جتم النبي بيعلم الناس من هو الله. الله لو اعطاك هيعمل لك ايه. الله لو تولاك هيعمل لك ايه. سبحان الله العظيم. لما غرق فرعون - [00:15:01](#)

فاخذ يصرخ لما عرف انه بيموت فاخذ يصرخ. يا موسى يا موسى يا موسى فاوحى الله الى موسى ان قال يا موسى مائة مرة ولو قال يا رب مرة واحدة - [00:15:21](#)

لانجيته. ياه! الله قادر! بعد كل اللي عمله فرعون! بعد كل اللي عمله فرعون! بس يقولها! ولكن لم يوفق اليها! كان بريضة عضين في فمه مخافة ان تدركه الرحمة. تخيل سبحان الله رب العالمين. اخواني واحبابي في الله ما قدرنا - [00:15:41](#)

الله حق قدره. انا يعني سبحان الله مرة احد اخواني بيتصل بي فبقول له اعمل الموضوع الفلاني. فقال لي ما عيش فلوس. فجه في ذهني. قلت لو انا ماشي ابويا وانا ما فيش في جيبى ولا مليم. وابويا في جيبه مليون جنيه. انا هابقى قلقان. قلقان مين؟ اللي في جيب ابويا كانه في جيبى. انا عارف ابويا بيحبني قد ايه - [00:16:01](#)

وعارف ابويا حنانه علي قد ايه. وعارف ابويا رحيم بي قد ايه. وعارف ابويا خاني قد ايه. فانا ماشي مطمئن حتى وانا ما فيش في جيبى ولا طب انت عارف ربنا رحيم بك قد ايه؟ انت عارف ربنا خزائنه مليانة ايه؟ انت عارف ربنا حنان عليك قد ايه؟ انت عارف ربنا - [00:16:21](#)

اريد تفريح كريك قد ايه؟ المشكلة فينا. المشكلة ان الله لا يغير ما بقوم حتى يغيروا حتى يغيروا. انت اللي لازم تتغير. انت اللي لازم تغير تتغير عشان معاملته ربنا معك تتغير. عشان لما ترفع ايدك يجاب دعاءك. عشان لما تسجد في التلت الاخير يتنزل - [00:16:41](#)

والفرج عشان ربنا يرتب لك ويسدك في طريق الدنيا والدين. انت اللي لازم تتغير. انت اللي لازم تتوب. انت اللي لازم تعرفه انت اللي لازم تقبل عليه وساعتها شف وهتعرف عمليا مش من واحد طالع على المنبر يكلمك عن ربنا. انت ما عرفتش والدتك ووالدك بيحبوك - [00:17:01](#)

قد ايه من كتاب في تالته ابتدائي تدرس لك. انت عرفت والدك ووالدتك بيحبوك قد ايه من اللي عملوه معك. لو انت اقبلت على الله هتعرف ربنا اكثر من اللي واقف على المنبر يكلمك عنه مش من كتاب قريته عنه. مين اللي هيعمله معك؟ مين اللي هيعمله لك - [00:17:21](#)

من المعاملة اللي هيعملها لك. لازم نتغير يا جماعة. لازم نتغير كذلك الله. ولكن القضية حتى يغيروا حتى يغيروا ما بانفسهم قارون وربنا بيصف خزائنه قال ما ان مفاتحه لتنوء بالعصبة ايه؟ اولي القوة يعني عشرة رجاله شايلين مفتاح - [00:17:41](#)

وزنة واحدة مش قادرين يشيلوها. قلت سبحانك يا رب! يعني مسجد الحسين شوفوا قد ايه! المفتاح بتاع الباب بتاعه قد عقلتين صابع. طب لو انا جبت ورق من ابو خمسمية - [00:18:02](#)

ميت دولار وحطيت ومليت به مسجد الحسين. هيبقى فيه كم الف مليار دولار في مسجد الحسين؟ والمفتاح بتاع المسجد قد عقلتين صابع. طب يا جماعة اومال خزائن قارون اللي مفتاح الخزنة عشرة ما يقدروش يشيلوها. كان فيها ايه؟ كانت مليانة ذهب واماوال قد ايه - [00:18:12](#)

قلت سبحانك يا رب اذا كان هذا ما في خزائن مخلوق فكيف بما في خزائن الله؟ فكيف كيف بغنى الله! امل ربنا خزائنه فيها ايه؟ افيقوا افيقوا ايها المسلمون افيقوا قبل ان نلقى الله - [00:18:32](#)

ونندم يا رب. انت كل الكرم ده وكل القدرة دي وكل العظمة دي وانا ما كنتش عارف استفيد من عبوديتي لله في حياتي ما كنتش عارف احل حنة مشكلة ما لهاش قيمة. بقدرة الله لان مش عايضة اتغير. فعشان ربنا يغير - [00:18:52](#)

معاملته معي. اخواني في الله الله كان ولا يزال قادرا مقتدرا. يقول للكرب زلف يزول ويقول للفرج كن فيكون. الله قادر. الله قادر. من الادعية اللي بتضحك الواحد مش بتضحكه من الدعاء. بتضحكه من موقف - [00:19:12](#)

موقف معين الواحد بيتخيله لما النبي عليه الصلاة والسلام رفع ايده لربنا وقال اللهم اني اسألك اسمع الدعاء كده بس وفكر فيه. من الخير كله كله. لا استنى عاجله واجله. كمان ؟ استنى ما علمت منه وما لم اعلم. ايه ده - [00:19:32](#)

ايه الدعاء الغريب ده؟ واعوذ بك من الشر كله عاجله واجله. ما علمت ومؤمنه وما لم اعلم. كمان تخيل كده لو كلنا جمعوا لنا كل ملوك العالم ومليارديرات العالم ورؤساء العالم وامراء العالم. ودخلنا عليهم واحد قال لهم لو سمحتم اسألك اسألكم من الخير كله - [00:19:52](#)

عاجله واجله. ما علمنا منهم ولم نعلم. كلهم هيموتوا على روحهم من الضحك. هو ده عاقل ده ولا ايه؟ هو يا ابني احنا نعرف اصلا احنا نعرف الخير من الشر فين - [00:20:12](#)

ده الراجل لطش ابنه بالقلم عشان ينزل يلحق الاتوبيس. اللي يعني يعني ربنا يصبر الاهالي على ما حدث لابنائهم. هو يا ابني احنا نعرف حاجة لو عرفنا نقدر ان نعمل لك الطلب ده. يا جماعة شوفوا فرح النبي بالله. شوفوا النبي وهو بيقول لربنا عارف بيدعي مين. سليمان بيقول له - [00:20:22](#)

ربنا ها آ طلب من الله ملكا لا ينبغي لاحد من بعدي. ايه ده! عارف بيطلب من مين ؟ يا عم اطلب. يا عم اطلب واعرف انت بتطلب من مين. يا اخواني الله قادر. عايز تعرف قدرة الخالق؟ بص للخلق. بص للمخلوق وانت تعرف قدرة اللي خلقها. بص - [00:20:42](#)

الاهرام تعرف زكاء اللي بناها. بص للكمبيوتر تعرف عبقرية اللي صنعه. عايز تعرف صفات الخالق. بص للمخلوق. بص اللي ربنا عامله لنا اللي فيه عشرين مليون نوع من انواع الكائنات الحية. كل نوع بيذهل غير النوع الثاني. وربنا بيقول لك بص وشف - [00:21:02](#)

بص وشوفوا الواحد بيقول خلقكم من نفس واحدة في اول الخطبة ببص للناس كده يا نهار ابيض. كل دول كان اصلهم واحد بس. وتنوعت وغات ولا هجات والالوان والاشكال والاصناف سبحان الله العظيم. يا اخواني الله خلق كل شيء. تدبر معي بس في ذكر - [00:21:22](#)

يعني ايه خلق كل شيء؟ يعني ما فيش حاجة اعجزت ربنا انه يخلقها. يعني ايه؟ يعني اللي ربنا خلقه في الفيل حطه في النملة. حطه في الاميبة واحد الخلية اللي بتشوفها تحت الميكروسكوب. ازاى الله قادرا زي ما حط لده كل الاجهزة حط للنملة كل الاجهزة. والله لما خلق - [00:21:42](#)

خلق من غير مسال صادق يعني ايه ؟ يعني البني ادم ما عرفش يعمل الرادار غير لما شاف غير لما شاف الوطواط الازن بتاعته بتاعة الوتود البني ادم ما عرفش يعمل المصباح غير لما شاف الشمس. ولكن الله ما كانش فيه حاجة اسمها شمس وقمر. ما كانش فيه حاجة اسمها بني ادم ولا - [00:22:02](#)

ولا جناح هدهد يخطف قلبك من الوانه في ضوء الشمس. ما كانش فيه حاجة اسمها عشرين مليون كائن حي على الارض بس. ولكن الله خلق كل ده من غير مسل - [00:22:22](#)

ولما خلق كل ده خلقه كده من اول مرة. يعني ايه ؟ خلقه من اول مرة. يعني تعال شف الطيارة الوقتي وشف الطيارة سنة ثلاثين او اربعين او خمسين هتموت على روحك من الضحك. ده ايه المنزر الفكاهي القديم ده! تعال شف العربية الوقتي وشف العربية سنة خمسين - [00:22:32](#)

موت على روحك من دهب. ايه المنظر الغريب المتخلف ده! هو البني ادم كده كل سنة بتلاقي تطور في الحاجة اللي بيصنعها. ولكن الله من اول اول يوم خلق فيه الطيور والحيوانات والاسماك والبني ادم اتخلق كده. ما فيش حاجة اسمها تعديل وتحسين. والله لما خلق كل ده - [00:22:52](#)

خلقه لوحده. لوحده! ده اللي عايز يحكم محافظة زي بورسعيد! تخيل معه كم مساعد وكم مستشار وكم اداري وكم رئيس هيئة وكم ازاى خلق كل ده لوحده؟ والله لما خلق كل ده خلقه من عدم مش خلقه من حاجة والله لما خلق كل ده من عدم - [00:23:12](#)
جدد الخلق يعني ايه؟ كل يوم ملايين النجوم بتموت وملايين النجوم بتتولد. الاف البشر بيموتوا والاف البشر بيتولدوا. الاف الازهار بتبدل والاف الازهار بتتفتح الاف الطيور بتموت والاف الطيور بتطلع ليه؟ عشان ربنا بيوريك معجزة الخلق قدام عينيك كل يوم في كل حاجة. الله يا جماعة قدرة الله ويرجع - [00:23:32](#)

الملحدين الوقتي والعياذ بالله يحاولوا يقولوا للشباب هو فين الدليل على وجود الله؟ يا متخلفين الدليل على وجود الله هو انا لو جبت قرد وحطيت على الة كاتبة وقعد يضرب فيها قام مطلع لي قصيدة من الشعر الجاهلي. قلت له ده القرد طلع قصيدة من الشعر كده. هيقول لي انت مجنون! ليه؟ يعني انت مش مصدق ان قرد بضربك - [00:23:52](#)

على الة كاتبة يطلع قصيدة من الشعر الجاهلي صدفة ومصدق ان ملايين الاصناف من المخلوقات الباهرة دي جه الصدفة! يعني ارواح فرنسا اشوف برج في ايفيل انبهر اقول لهم يا جماعة البرج ده جه ازاى؟ قالوا لي ده كان فينا جبل حديد زمان وحصل انفجار فجائي او زلزال قام الجبل بقى برج - [00:24:12](#)

اقول لهم انتم مجانين ازاى الهندسة دي جت كده؟ طب وازاي الهندسة الكونية؟ ازاى؟ الاعجاز في الخلق دكي كده. ازاى العلم العظيم في الخلق ده جه كده. اخواني في الله. الله كان ولا يزال قادرا مقتدرا. ولكن حتى يغيروا ما بانفسهم - [00:24:32](#)

ولكن انت مهوب ليه وزعلان ليه وشايل هم انك عايز توصل لربنا وده شايل هم انه ما بيخشعش في الصلاة وده شايل هم انه انت تتجوز وده شايل هم ان عنده مرض. وده شايل هم انه عايز فلوس. وده شايل هم اللي نفسه يشتغل. وده شايل هم ان - [00:24:52](#)

ان مسلا اخته طلقت وده شايل هم ان هو مش عارف ينجح في المادة اللي مش عارف ينجح فيها. وده شايل هم ان هو نفسه ان الناس تحبه وده شايل هم ان هو نفسه يتعلم دين او علم شرعي. وده يا اخوانا كل مشاكلكم حلها عند ربنا. ولكن - [00:25:12](#)

حتى يغيروا ما بانفسهم. تب لربنا واقبل عليه. اتغير وشف ربنا هيغير لك قد ايه. الله! كان ولا يزال رحيمًا حلِيمًا. الله كان ولا يزال رحيمًا حلِيمًا. اخواني في الله - [00:25:32](#)

يعني مسل بيضرب كده احد الناس نايم على شاطئ نهر الاردن وهو نايم صحي فجأة على عقرب بيجري حسب العقرب هيلدغه فبعد كده لقي ما لوش دعوة بيجري على على نهر الاردن. طب وهو العقرب بيمشي في الماية! ده العقرب ده بيتحط في الجبال والصحاري.

ازاي! فيببص من العجبية دي - [00:25:49](#)

بقى ضفدع مستني العقرب. العقرب ركب على ظهر الضفدع وعام به الضفدع. فلما زهل بما رأى عام وراهم يشوف ده ايه ده! الضفدع وصل العقرب لحد الشاطئ الثاني وجري العقرب منطلق. الراجل لسة بيكمل يشوف فيه ايه. لقي واحد نام من السكر من الخمر من

كثر - [00:26:09](#)

شرب الخمر وزجاجات الخمر حواليه. نام من السكر من الخمر. وفيه تعبان جاي يلدغ هذا السكير. العقرب انقض على التعبان فلدغه فقتله وبعد كده رجع المسيرة اللي جه منها تاني. فالراجل وقف مجهود وهو يقول سبحان الله! فلما افاق السكير قال له فيه ايه -

[00:26:29](#)

فحكى له القصة ان ربنا سقط له عقرب بمعجزة عشان يلدغ التعبان اللي كان هيلدغه ويقتله وهو نايم من السكر فظل الرجل السكير يصرخ ويقول يا رب هذه رحمتك بمن عصاك فكيف برحمتك - [00:26:49](#)

بمن اطاعك. يا رب هذا حلمك على من عصاك. فكيف بحلمك على من اطاعك يا اخوانا القصة دي ايا ما كانت والله العظيم ربنا بيعمل للعصاة مليون ضعف اللي في القصة دي. ولكنهم لا يعلمون. ولكنهم الواحد لما - [00:27:09](#)

تدبر في قول رسول الله صلى الله عليه وسلم ان الله اسمع الكلام العجيب ده يبسط يده يعني ايه يبسط يده انا لما افتح ايدي كده واقول لك خد تعال خد وخد كمان وخد كمان. اه ده يقينا لي يبسط يده بالليل. يقينا لي قاعد يكرر ربنا طول النهار. يقينا -

[00:27:29](#)

اللي جاهد في سبيل الله طول النهار. ما هو بالتأكيد امال هيبسط يده بالعطايا لمين ؟ ان الله يبسط يده بالليل. ليتوب مسيء مسيء النهار يعني ايه ؟ اللي فضل طول النهار ما فيش دقيقة عدت الا وعصى ربنا فيها. اللي عمل في النهار كل الكبائر وييجي - [00:27:49](#) اللي يتوب توبة صادقة الله يبسط يده له بالعطايا. طب العطايا ليه ؟ طب ما يقبل توبته بس لا. اصل هو عصى ربنا لانه محتاج حاجة فرينا يقول له تعال وانا اديك اضعاف اللي انت عصيتني عشائه. ويبسط يده بالنهار ليتوب مسيء الليل. وما ادراك ما معاصي الليل -

[00:28:09](#)

اللي فضل طول الليل في معاصي وبالنهار فاق وتاب الله يبسط يده له بالعطايا. ايه الكلام الغريب ده! التائب من الذنب. كمن لا زنب له كمن لا ذنب له ايه الكلام! اللي يفتح النفس للتوبة ده. ايه الكلام اللي يملأ القلب بالامل في رحمة - [00:28:29](#)

ربنا ده. ايه الكلام اللي يفرح الواحد ان له رب بالرحمة دي ده ؟ يا اخواننا اسمعوا كده لما ربنا ان الله يتنزل في كل في ليلة مين ربنا بيبعت ملك لأ. الله اللي بيتنزل. طب يا رب كنت ابعث ملك. لا الله اللي هيتنزل. طب يا رب يتنزل كل ليلة - [00:28:49](#)

في الثلث الاخير من الليل في نادي مين بينادي على مين ؟ مين بيصالح مين ؟ هل من سائل فاعطيه ؟ فا عطاءات فورية فورا بس يقوم. هل من تائب فاتوب عليه ؟ هل من مستغفر فاغفر له ؟ هل من مستدفع - [00:29:09](#)

للضر فادفعه عنه ؟ هل من مستشف فاشفيه ؟ ايه ده يا جماعة ؟ النداءات دي طب يا رب كنت انزل ملك لأ الله طب يا رب كنت مرة لأ التلت الاخير كله. طب يا رب يوم في السنة وذلك كل ليلة. طب يا رب يا رب مين بينادي على مين ؟ يا رب ايه الرحمة - [00:29:29](#) في يا رب ايه اللطف ده! يا رب ايه الرأفة بعبادك دي! يا اخواننا رحمتي سبقت غضبي. مكتوبة فين ؟ على العرش اللي السبع سماوات ما يجوش حلقة في فلاف الكرسي. الكرسي اللي هو موضع القدمين كما يقول ابن عباس. يعني لو انت مسافر من مطار القاهرة -

[00:29:49](#)

السعودية في عمرة ووقع غويشة من ايد مراتك في الصحرا الشرقية. وقلنا للمسجد لاهل بورسعيد كلهم تعالوا ندور عليها. هيدوروا على حلقة بصلاة ازاي ؟ تخيل السبع سموات في الكرسي زي الغويشة في الصحراء الشرقية. وبعد كده الكرسي في العرش كحلقة في

[00:30:09](#) فلاة -

زي الغويشة في الصحراء الشرقية. والعرش حواليه ملائكة عظام. ملك واحد منهم ما بين عاتقه لشحمة اذنه مسيرة سبعميت سنة بصاروخ ولا بطيارة الله اعلم. تخيلوا يا اخواني ده ملك واحد. وبعد كل ده بدل ما ربنا يكتب على العرش - [00:30:29](#)

اويله اللي هيعصيني. يا ويله اللي هيتجرأ على حدودي. يا ويله اللي هيحارب شريعتي. يا ويله! اللي هيتجرأ على معصيتي اكتب على هذا المشهد الرهيب. رحمتي سبقت غضبي. ياه! الله! كان ولا يزال رحيمًا حلِيمًا - [00:30:49](#)

ولكن حتى يغيروا ما بانفسهم. عايز تشوف رحمته وحلمه اكثر بقى. غير توب غير معاملتك له. وهو يغير معاملته لك. غير. انقل انقل في علاقتك بالله اقبل بقلبك على الله. الله يا اخواني كان ولا يزال سميعا قريبا مجيبا. كان ولا يزال سميعا - [00:31:09](#)

مجيبا عندنا في المنصورة شاب من الشباب عايز يتجوز مش عارف يعمل ايه قام فاتح قهوة فاتح قهوة كل حاجة بقى يشغل قنوات معينة طبعا فاسدة عشان الناس تيجي عليها والشباب ييجي عليها ممكن يقعد ناس بيعملوا معاصي بيعملوا مش عارف ايه بيعملوا اي

حاجة المهم ايه يعملوا شيشة المهم ان هو يكسب - [00:31:39](#)

فلما فتح القهوة في خلال شهر اتجوز. يا سلام! ايه ده! ما هو شف بقى ربنا بيرتب لعبده ازاي ؟ في خلال شهر اتجوز اتجوز بعد شهر يا سلام ده القهوة دي مربحة جدا بقى اقبل على حياته الزوجية نفسه بقى ان مراته تبشره باول شهر انها حامل ما فيش. تاني -

[00:31:59](#)

شهر حامل ما في ثلاث اربع شهور لسة ما حملتيش ما فيش. طب مستعجلين. طب نبدأ ندور على سكة الدكاترة. رغم ان المفروض نستنى شوية ندور. بدأ يلف ما فيش اي اسباب لمنع الحمل. عدت سنة وما فيش. بدأ يجري بقى في مصر بقى على كبار الدكاترة.

ويعصرف اللي وراه واللي قدامه ويبيع - [00:32:19](#)

دهب مراته ويبيع كل ما يملك ما فيش سنتين ثلاثة اربعة خمسة سبعة حداثر سنة ومراته لم تنجب خلاص يعني بعد حداثر سنة هو

ممکن ان زوجته تنجب احد اخوانا احد اخوانا في المنصورة هذا يعني قهوة في المنصورة في منطقة من المناطق في المنصورة. احد
00:32:39 -

معدي فوجد يعني ذلك الشاب جالس في القهوة او ذلك الرجل جالس في القهوة. فيعني غار على ان ربنا يعصى او على المعاصي اللي
بتنتهك في هذا المكان. فدخل قعد يحذر - 00:32:59

ويقول له يا اخي يعني فينا معاصي والمال الحرام ربنا مش هيبارك فيه. لو نقطة دم حرام دخلت في عضو مش هتخرج وهو سليم.
انت ما تعرفش المال الحرام ربنا - 00:33:09

بيترك الشياطين تسلط على الانسان وولاده بسببه قد ايه. المال الحرام المال الحرام. الشاب ده استيقظ قرر وهو قاعد انه هيفير
النشاط ثاني يوم غير القهوة عملها محل سندوتشات يعني مصدر رزق حلال. والله العظيم يا اخواني والله في اول شهر - 00:33:19
في اول شهر في اول شهر غير فيه النشاط حملت زوجته. في اول شهر الله كان ولا يزال سميعا قريبا مجيبا. بس غير وهو يغير. بس
اقبل عليه وهو يقبل عليك. اقبل عندنا - 00:33:39

في المنصورة برضه يعني ناس ساكنين امام مسجد من المساجد يعني اللي ندي فيها في المنصورة امام مسجد السلاب يعني
ابنهم طفل صغير والده دكتور ووالدته يعني وناس اثرياء يعني الطفل فجأة وهو بيلعب كده زي رجليه وقعت زي وقع عادي ما
فيش مشكلة - 00:33:59

شوية الموضوع بدأ يتطور. الواد ما عدش قادر يحرك ايديه ورجليه. جروا به على المستشفى طلع مرض خطير جدا فيروس بيحي
في الدماغ. فيروس خطير جدا وبيحزره منه يعني في الايه - 00:34:19

لما طفل يصاب بينقى المستشفى فوراً وقالوا لهم ابنكم عندكم الحالة الخطيرة ديت ويعني نادر لو ابنكم نجا. الولد فضل عطلاته تقف
لحد ما عضلات التنفس نفسها وقفت ودخل عناية مركزة على تنفس صناعي. وبدأ يخرج رغاوي يعني خلاص علامة موت. وبدأ القلب
يتوقف ويعملوه صدمات كهربائية - 00:34:29

عشان يرجع ثاني ليلة سبعة وعشرين رمضان. كان ابوه قاعد مع امه في المستشفى وبيعزيها ان ابنهم خلاص لله فاخذ ولو ما اعطى
وبيؤهل مهد لانه ان ابنهم خلاص يعني على وش موت ولازم تقبل قضاء ربنا. احد اخواني والله العظيم اعلمه - 00:34:49
اخ من اصدقائي واحبابي راح يزورهم في المستشفى ليلة سبعة وعشرين رمضان. فاخذ يحدثهم ان يداووا مرضاهم بالصدقات وان
كل ما هتصدق وتدعي ربنا ربنا قادر على الشفاء. امه من الكرب اللي فيها نزلت ليلة سبعة وعشرين رمضان. باعت كل ذهبها -
00:35:09

تصدقت به على الفقراء. كل ذهبها يعني حاجة بسيطة وبدأ ابنها يحرك جزء من جسمه. اسابيع وكان انها ماشية على رجليها. واسابيع
وكان ابنها عوفي تماما. الاطباء في هذا القسم بيقولوا لابوه وامه عمرنا ما شفنا حالة - 00:35:29

في هذا المرض نجت الا حالة ابنكم الا طفل حرك كتفه مرة وبعد شهر مات. ابنكم الحالة الوحيدة اللي شفناها دي. الله قادر الله كان
ولا يزال سميعا قريبا مجيبا. بس احنا نقبل عليه. تقول له قل يا رب. يقول لك ما انا باقول يا رب. هو يا رب كده سورة - 00:35:49
دعاء وخلاص يا ابني فين حقيقة الدعاء؟ فين حقيقة الصلاة؟ فين حقيقة الدين؟ فين حقيقة الذكر فين حقيقة العبادة؟ اعبد ربنا
عبادة حقيقية وشف ساعتها لما تقع في قرب وتقول حسبي الله ونعم الوكيل - 00:36:09

الله اللي نجى ابراهيم بها من النار هيعمل لك ايه؟ اقع في كرب وشف لما هتقول لا اله الا انت سبحانك. اني كنت من الظالمين الله
اللي نجى يونس بها من بطن الحوت هيعمل لك ايه؟ ان الله لا يغير ما بقوم حتى يغيروا ما بانفسهم. اقول - 00:36:29

قولي هذا واستغفر الله لي ولكم. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وبيدك
الخير كله واليك يرجع الامر كله. لبيك يا ربنا وسعديك. والخير كل الخير في يدك. والشر ليس اليك. نحن بك - 00:36:49

اليك نحن بك واليك نحن بك واليك. تباركت وتعاليت نستغفرك ونتوب اليك تباركت وتعاليت. نستغفرك ونتوب اليك. تباركت
نستغفرك ونتوب اليك. اللهم لك الحمد كله ولك الملك كله. وبيدك الخير كله واليك يرجع الامر كله. اخواني واحبابي في الله الم يقل

الله ولقد نادانا نوح - 00:37:09

فلنعم المجيبون. فلنعم المجيبون. الم يقل الله قل الله ينجيكم منها ومن كل كرب ومن كل كرب. الم يقل الله ولي الذين امنوا. الم يقل الله انك انت الوهاب الم يقل الله فاني قريب. اجيب دعوة الداع اذا دعان. الم يقل الله - 00:37:49

وقال ربكم ادعوني استجب لكم. الم يقل الله وما كان ربك نسيا. مش ممكن هينسى لك عملك الصالح اللي انت عملتها ساعة ما تقع في كرب. الم يقل الله كذلك الله يفعل ما يشاء. الم - 00:38:19

يقول الله هو علي هين. الم يقل الله وما كان الله ليعجزه من شيء في السماوات في ولا في الارض الله قادر يعمل لك اي حاجة. الم يقل الله ان الله لا يخفى عليه شيء. الله لا يخفى عليه حالك. ولا - 00:38:39

جاءت اخواني في الله. عايزين نعامل ربنا معاملة جديدة. عايزين نعامل ربنا اهل لها. عايزين نعامل ربنا المعاملة اللي يجب ان احنا نعامل بها ربنا ولنبدأ هذه المعاملة يا احبابي في الله. ويا اخواني واخواتي في الله نبدأ هذه المعاملة بالذكر. تعالوا -

00:38:59

ربنا بالذكر. تعالوا نغير في حاجة عملية قبل ما نسيب الخطبة. تعالوا نغير في الذكر. تعالوا دلوقتي ربنا ان ندمن ذكر الله بقلب يقظ. بقلب متعرف على الله. تعالوا يا جماعة نذكر انت عارف لما هتود من ذكر الله - 00:39:19

انت بتحب ذكر ايه ؟ سبحان الله وبحمده سبحان الله العظيم. طب يا عم ما تخليها على لسانك كده على طول. انت بتحب الاستغفار؟ انت بتحب الصلاة على النبي عليه الصلاة والسلام - 00:39:39

انت بتحب لا اله الا الله. انت بتحب لا حول ولا قوة الا بالله. واه من عجائب لا حول ولا قوة الا بالله واه من عطايا لا حول ولا قوة الا بالله. كنز من كنوز الجنة. كنز في السراء والضراء. بتحب ايه؟ قبل ما - 00:39:49

اخرج من المسجد حدد الذكر اللي هتعامل ربنا به. يا اخواني ذكر ربنا من اسباب الحفز من الشياطين. شياطين شياطين ايه اللي انت اتكلم عنها. انتم عارفين الشياطين عاملة ايه في المسلمين؟ انتم عارفين الشياطين عاملة ايه في حياة الناس؟ والله العظيم. شياطين مضیعة الناس والناس لا تدري - 00:40:09

مش الرسول بيقول ان يتخبطني الشيطان عند الموت. الشياطين بتتخبط الناس في الحياة. والناس انها مش واحدة بالها من العدو الحاقد اللي فضل يرى سيدنا ادم خمسميت سنة قاعد يبني في الكعبة ويبني في المسجد الاقصى ويمهد الارض لولاده عشان يقوموا برسالة الاستقلال - 00:40:29

وابليس بينظر لادم وعارف انه مش هيقدر يعمل حاجة لادم. مش هيقدر يزفر منه غير بالاكلة اللي اكلها من الشجرة بتاعة الجنة. وهو انه بيقول انتظر يا ادم انا مش هقدر اعمل لك حاجة. ولكن انا هستنى كل واحد من ابنائك. انا مش هسيب ولا جيل من اجيال ابنائك. اللي - 00:40:49

هيفضلوا مئات الاجيال ليوم القيامة. انا مش هاخسر ثاني. انا ما قدرتش اعمل لك حاجة في الارض. ولكن مش هاسيب ابنائك بعد كده. اول ما ادم بس يموت هيبدأ ابليس يشتغل ثاني. ادم بيعمر في الارض يمهدا للعبادة. وابليس بيخطط الكعبة اللي انت بنيتها يا ادم. انا هافضل - 00:41:09

ورا ولادك لحد ما بينوا حوالها تلتمية وستين صنم. المسجد الاقصى اللي بنيته يا ادم. انا هافضل ورا ولادك. لحد ما يبقى جنب المسجد والادان بيدن ما ينزلش يصلي فيه. انا هافضل ابليس متوعدكم يا جماعة. انتم عارفين ده ولا لأ. وسيدنا ادم ظل خمسمية سنة في الارض - 00:41:29

تمهد الارض عشان يعرف ابنائه ابليس عدو قد ايه فاتخذه عدوا. ابليس معين لكل واحد منكم ومن كل الناس قرين يعني داعية فردي الى الضلال. يدعوه الى الله. لو استجاب له تبدأ الشياطين تحتوشه وتتخبطه بقي. يا جماعة - 00:41:49

الشیطان ممكن يقلب ابنك عليك. ممكن يقطع بينك وبين مراتك. ممكن يخليك ماشي مكتئب ومكفئ وما انتاش عارف السبب ايه. بل احيانا والله. الواحد يبقى في ضيق وخنقة فيتذكر الافكار التحصين من الشيطان. فوالله ما يقولها الا وكأن حاجة على الصدر -

مش احساس. كان فيه حاجة مضايكك وراحت. اخواني في الله ذكر الله يدمر الشيطان تدميرا. هيجلي الشيطان لو شافك في شرع يهرب ذكر الله هيحفظك من مصايب الشياطين بتعملها فينا واحنا مش حاسين. النبي عليه الصلاة والسلام مش في صحيح البخاري في صحيح البخاري - 00:42:29

قال اذا كان اول ساعة من الليل اللي هي اللي بين المغرب والعشاء اول ساعة من الليل. فكفوا صبيانكم خلوا ولادكم ما يخرجوش يلعبوا في الشارع. ليه؟ فان الشياطين اتنتشر حينئذ الوقت ده وقت نشاط شيطاني. ليه؟ عايزين يعوروا لك عيل يخطوا لك عيل يعورك يكسروا ايد عيل - 00:42:49

في اي وعليه لان الليل مجمع الفتوحات الليل بتاع قيام الليل والتنزل العطاءات. والشيطان مش عايز الليلة تعدي. وانت فاضي انك تنام بدري وتصحى تقوم الليل فعايز يبوزها عليك من اولها. طب يبوظها ازاي؟ يخط لك حد من عيال. يدفع لك النبي عليه الصلاة والسلام وهو بياكل مع اصحابه ولسه هياكله. جت طفلة صغيرة - 00:43:09

انت بتجري وبتمد ايدها على اكل في صحيح مسلم. النبي عليه الصلاة والسلام امسك يدها وقال ان الشيطان اراد ان لا تبدأ الطعام بسم الله حتى يستحل الطعام معكم. والذي نفسي بيده. ده كلمة سيدنا محمد. والذي نفسي بيده - 00:43:29
ان يده لفي يدي مع يدها. بيقول لهم ده هو كان ماسك ايديه بيزقها انا ايدي وانا ماسكة ايديها كانت ايديه في ايديها. والذي نفسي بيده ان يده لفي يدي مع يدها. يا اخواني الشياطين - 00:43:49

الشياطين بتعمل ايه؟ طب انا الوقتي دي قضية قضية صغيرة حلها ذكر الله. اذكر الله. ادمن ذكر الله ادمن زكر الله يا اخي. ادمنوا ذكر الله يا اخواني. الذكر يربي مش كتير مننا نفسه انه يتربي. نفسه انه يوصل لرنا. والله - 00:44:09
العظيم دوام الذكر بيوجد في القلب حالات من الايمان لا يمكن تأتي الا بهذا. مداومة الذكر ولزوم الذكر. هنعرف بعض يا اخواني كان ممكن تعمل في صابعه خاتم ورق كده يحك في عقلة صابعه. عشان كل ما يحك يفتكر ان هو يجدد الذكر. لحد ما يتعود على دوام الذكر من غيره. يا اخواني في - 00:44:29

لا ده احنا مضيعين سواب رهيب. سبحان الله يا امة محمد. والحمد لله ولا اله الا الله. والله اكبر اربع كلمات فيها اكثر من خمسة وعشرين حديث صحيح. عن النبي عليه الصلاة والسلام. حديث انها احب الكلام الى الله. الله! معقولة! وحديث ان - 00:44:49
كل كلمة في الميزان اسقل من جبل احد ذهب. وحديث ان كل كلمة بتغرز شجرة لك في الجنة. يعني لما تقول سبحان الله والحمد لله ولا اله الا الله والله اكبر متين تلتيمت مرة النهاردة بالف وميتين شجرة في الجنة. بتثقل الموازين قد ايه؟ احب الكلام - 00:45:09
الى الله. احنا مضيعين سواب خطير. سواب خطير. لا حول ولا قوة الا بالله. لما يبقى عندك كرب الزمها. الزم لا حول ولا قوة اي لا احد يستطيع تحويل الكرب ولا احد عنده قوة على انه يجيب الخير في الكرب ده غير ربنا. الزمها وشف اثرها الخطير - 00:45:29
شكله ايه؟ يا اخواني في الله هذه ابواب من الخير وابواب من الفتح اياكم ان تدعوها واياكم ان تنسوا اننا في يوم الجمعة وقد ندب رسول الله صلى الله عليه وسلم لنا في يوم الجمعة كثرة الصلاة عليه. كتر بقى من الصلاة. طب اقول ايه؟ آآ النص الثاني من التحيات اللهم صل على محمد وعلى آل محمد كما - 00:45:49

صليت على ابراهيم وعلى آل ابراهيم انك يا عم ده كلام كتير كده. يقول سيدنا محمد عليه الصلاة والسلام عليه الصلاة والسلام عليه الصلاة والسلام. اقعد قل عليه الصلاة والسلام. بس عيش بقلبك بقى - 00:46:09
عاصفات النبي عشان الذكر يثمر. عشان العبادة تبقى حقيقة عبادة مش صورة عبادة. عش بقلبك. اخواني في الله الذكر هيربك. الذكر هيفقل موازينك عند الله. الذكر هيفرس لك في الجنة. ياما من الغراس. الذكر هيحفظك من اخطار الشياطين. الخطيرة اللي الناس للاسف ما - 00:46:19

مدركاها وما هياش ونفسي اعمل كتيب اسمه كيف تتعامل مع قرينك. عن قد ايه الشياطين مبهدلة حياة الناس في دنيتها ودينها وما حدش مش واخذ باله. اكبر حاجة نجح فيها الشيطان انه يضيع الانسان من غير ما الانسان يحس انه موجود. خالص. وكل الاخطار

دي بذكر الله بتروح - 00:46:39

بس يعني لا مطلوب بقى نشوف واحد يرقينا ارق نفسك. ولا مطلوب ان انا اجري اشوف حد يشوف فيه الشيطان يا عم الموضوع بسيط. يا عم اذكر ربنا بس بقلب مقبل على الله. وربنا هيحرق لك اي حد يريد بك سوق. اي حد يريد بك. در اخواني في الله لنقدر -

00:46:59

على الله ولنتوب الى الله ولنعرف من هو الله قبل ان تسجد رؤوسنا تسجد قلوبنا نعبد ربنا حقيقة عبادة مش عبادة ولو كل واحد منا

لزم الذكر ولو جزء من اليوم. ابشروا بخير عمر من اعمار بني ادم. خلي لك ساعة في - 00:47:19

يوم تعبد ربنا فيها. خلي لك ساعة سابتة تشحن قلبك فيها. الساعة اللي بعد الفجر حجة وعمرة ما بتقعدهاش في المسجد ليه؟ ليه؟

ما تجيش تصلي الفجر هنا هو وتقعّد تذكر الله لحد ما الشمس تطلع. الساعة اللي بين المغرب والعشاء لا طالب هيلحق يذاكر فيها

صفحة. ولا تاجر - 00:47:39

الحق بيع فيها بيعة. ولا واحد هيلحق ينام فيها عشر دقائق. طب يا عم انا صلي المغرب وتقعّد. تذكر ربنا للعشاء وتبقى خدت سواب

انتزار الصلاة بعد الصلاة. وبقي لك كتاب في عليين. وخدت اجر تتجافى جنوبهم عن المضاجع. فقد نزلت فيما بين المغرب والعشاء

على قول - 00:47:59

الحسن البصري يا جماعة عايزين نستيقظ فضيلة العبادة. يا اخواني يا جماعة لو واحد وقف عربية فخمة قدام المسجد الوقتي وطلع

رزمة ورق. كل ورقة بميتين جنيه وطلع ولعة وولع فيها هنقول عليه مجنون لانه بيحرق فلوسه. يا جماعة اللي بيحرق عمره اشد

جنونا منه. يا اخواني الفلوس - 00:48:19

مممكن تتعوض. انما الساعة اللي بتعدي مش هتجيبها تاني. يا اخواني زوروا المقابر انهم يندمون على ما انتم فيه تقتتلون انهم يبكون

على ما نحن فيه. نقتتل. انهم يعضون الانامل من الندم. ويبكون - 00:48:39

نحن ننام الليالي نحلم به ونتمناه. عايزين نستيقظ لما نموت ما نستيقظ من دلوقتي. امنية حياتهم كلها لهم ليلة يرجعوا يذكروا فيها

ربنا. الليلة دي معك. الساعة الاخيرة اللي قبل مغرب الجمعة اللي هي ما بين العصر والمغرب ساعة اجابة. من اخطر - 00:48:59

ساعات الاجابة في الاسبوع ان لم تكن اخطر ساعات الاجابة في الاسبوع. ما تضعهاش. الم يقل النبي صلى الله عليه وسلم ما من

ساعة تمر بابن ادم لا اذكروا الله تعالى فيها الا حسر عليها يوم القيامة. ليه نتحسر يوم القيامة على العمر اللي راح من غير ذكر؟ ليه؟

ليه وربنا فاتح لنا الفرصة - 00:49:19

وربنا فاتح لنا الباب. اخواني في الله سدّدكم الله وايدكم الله. اللهم اعنا على ذكرك. اللهم اعنا على ذكرك وشكرك وحسن عبادتك. اللهم

انزل علينا من بركاتك ورحماتك. اللهم استعملنا ولا تستبدلنا. اللهم - 00:49:39

عملنا لنصرة دينك في الارض. اللهم استعملنا ولا تستبدلنا. اللهم استعملنا ولا تستبدلنا. اللهم انصر دينك. واعز اوليائك اللهم اذن لدينك

ان يسود. واذن لشرعك ان ينتصر. واذن لكتابك ان يحكم. اللهم انزل هدايتك على اهل مصر - 00:49:59

اللهم انزل هدايتك على قلوب شبابها وفتياتها ورجالها ونسائها واطفالها. اللهم اغث مصر اللهم فرج كربات اهل مصر. ربنا اكشف عنا

العذاب انا مؤمنون. ربنا اكشف عنا العذاب انا مؤمنون. اللهم انزل الهداية - 00:50:19

في جذر قلوب اهل مصر يا رب العالمين. اللهم اغث اخواننا في سوريا. اللهم اغثنا واغث اخواننا في سوريا. يا رب العالمين. يا ارحم

الراحمين اللهم انزل هدايتك وبركاتك ورحماتك على اهل بورسعيد يا رب. اللهم اخرج منهم من ينصرون دينك في الارض -

00:50:39

اللهم اخرج منهم دعاة وداعيات وعلماء وعالمات وعباد وعابدات ومجاهدين ومجاهدات. اللهم اخرج من ينصرون دينك وسنة نبيك

وشرعك في الارض يا رب العالمين. يا رب تولى امرنا. يا رب تولى امرنا. يا رب سد - 00:50:59

يا رب املاً السنّتنا بذكرك. واملاً قلوبنا بمعرفتك. واقمنا على مرادك منا. وقوي في رضاك عزائمنا علينا من كل ذنب فعلناه. وتب علينا

من كل امر ظنناه حلال وهو عندك حرام. وتب علينا من كل صلاة ضيعناها - 00:51:19

وتب علينا من كل معصية سر جعلناك فيها اهون الناظرين اليها. يا من تبسط يدك بالليل ليتوب مسيء النهار. تب علينا من ذنوب الليل
والنهار انك مولانا انك مولانا نعم المولى ونعم النصير نعم الرب يا ربنا نعم الاله يا الهنا نعم الرب - [00:51:39](#)
ربنا اللهم اكرمنا ولا تهنا واعطنا ولا تحرمنا. انك ولي ذلك والقادر عليه. سبحانك اللهم وبحمدك. اشهد ان لا اله الا انت استغفرك -

[00:51:59](#)